

叢書集成續編

二〇三

新文豐出版公司印行


雪橋詩話

餘杭褚德彞署

癸丑季冬南林劉氏求齋刊

叢書集成續編 第二〇三冊目錄

文學類



詩話

雪橋詩話十二卷(二)(卷六至卷十二).....	民	楊鍾義撰	求恕齋	一
雪橋詩話續集八卷.....	民	楊鍾義撰	求恕齋	二四七
雪橋詩話三集十二卷(一)(卷一至卷五).....	民	楊鍾義撰	求恕齋	六三七

雪橋詩話卷第六

遼陽楊鍾義撰集

吳興劉承幹參校

眞靖郡王嘗屬彭廷梅輯據經樓詩選十四卷多高濂之音王自序云矯其性者損而除之正氣勃勃從紙上出豪無乖氣相戾自著有花閒堂詩鈔一卷紫瓊巖詩鈔三卷續刻一卷先是嘗得端谿研石鐫之曰紫瓊巖李鐵君嘗爲作賦既自號紫瓊道人遂以名集花閒堂者所居西園十二景之一其題翁照春篷聽雨圖云一夜春濤打船尾雨聲破夢催人起推篷曉失四山青

雪橋詩話卷六

一求恕齋

櫓搖搖水雲裏借問扁舟何處歸去來長在釣魚磯幽人事業渾如許臥看江天白鷺飛又題畫四首松皮屋子枕谿頭燕尾春波碧玉流一片輕雲作微雨隨風流出下灘舟林邊一徑傍巖隈水閣風亭掩映開應是此中無暑到瀑泉高自半天來古樹連蜷帶石坡夕陽山靄兩相和老僧拄杖蹋黃葉秋在白雲深處多玉水瑤山一抹同六飛飄颻晚煙空地鑪茶鼎幽人屋夜半窗閒宿火紅王善琴又善繪事嘗爲汪蒼巖作秋山平遠圖禮恭親王題詩廿道淵稱爲雙絕

京師廟市向惟慈仁寺土地廟樂王廟數處直郡王建

報恩寺興不數年王禁錮卽止康熙六十一年敕修故崇國寺成賜名護國寺每月逢七八日亦如慈仁諸市重建隆福寺每月逢九日市集今稱之爲東西廟貿易甚盛周元本有隆福寺觀市百韻詩慈仁市則無人矣若古夫于亭雜錄慈仁書攤故事久已絕響土地廟市每月逢三日藥王廟市以朔望亦不盛惟琉璃廠火神廟正月上旬猶有書市及賣薰煙零玉者西便門外一里許白雲觀卽元長春宮舊址至元甲申三月長春眞人邱處機自雪山回燕明年五月特改太極宮爲長春宮居之羽化於此每歲正月十九日四方黃冠駢集

雪橋詩話卷六

二求恕齋

游人甚盛相傳爲遇仙蓋其誕辰也呼爲燕九節錢鐘石白雲觀詩豈爲南宗別重尋太極墟先生蓑好在止殺語何如柏子微風際桃花細雨餘十年登閣意祇益鬢毛疏王蘭泉琴書樓詞憶舊游歎青牛路杳白鶴煙消難問全眞琳宇西華近望蒼松翠柏交映檐楹金籠尙留香火鐘聲傍霓旌說落鐙風後時傳灌頂士女傾城生平自蓬島向終南太華訪道瑤清更歷龍沙遠便安車回日名著燕京玉田舊闕樂笑翁游此有詞誰記好取叶鸞笙喜仙侶同來暮春芳草雨正晴光緒閒有高道士者頗通聲氣西園諧價多以白雲觀爲初桃焉

沈椒園恒月山墓誌銘乾隆十二年五月十三日有蒼頭奴白衣冠奉書冊踵門叩余曰小人宗室某僕也主於是月十一日亡矣遺令以詩集呈公刪定且乞志墓語畢泣余聞之驚亦泣良久乃啟其書既歎生年之不久而其人其文不可無述以傳也生名恆仁字育萬又字月山系出

高皇帝父普照素工詩封八分公官宗人府宗人西安將軍以積有勳勞生齠齡襲公爵後不應封坐廢益轉志於學而朝廷方設學教宗人子弟生慕之具狀宗人府以戊午三月來學時孫府丞瀨與余同官翰林董學

雪橋詩話卷六

三求恕齋

中事見生恂恂儒者皆愛之及讀其所爲詩余尤器焉無何以嘗受封故例不得留學蓋在學僅四十五日云然家居學益勤時時就余論詩及余罷官閒居生請業益數余令以詩呈家侍郎德潛侍郎亦亟賞之且歎嗜學之勤時髦無與匹今年四月中生來請刪定其詩余諾之臨去依依其容若有不釋然者別二十餘日竟死年僅三十五悲哉去秋

天子幸瀛臺生擬侍宴詩聖世雅音遠近傳寫焉

國朝宗潢人文邁往代自紅蘭貝子岳端首倡風雅問京將軍博爾都紫幢居士文昭曉亭侍郎塞爾赫後先

迭起遠追漢河間東平之盛而生獨慕紫幢之爲人紫幢從王尙書士禎游辭爵讀書爲士林所重查編修慎行以宗室高人序其集雍正中卒余哭於臺谿第中及得生如見紫幢焉而今已矣雖然生之詩清微樸老克具古人風格其足傳於後無疑也其詩集四卷爲乾隆丙午其子宜興所編多蕭散恬適之作右安門外卽目云澄潭初月影微微雨過涼生透葛衣十里亂蟬風兩岸藕花香送釣船歸春陰云香車寶馬滿春城盡道游春未放晴我愛養花天氣好密雲微雨近清明

雪橋詩話卷六

四求恕齋

胡同曰灌讀草堂汲井種菜別業曰小江南去南郭十里地名沙龍嘗有句云瓜擅沙龍美蔬加石虎奇又云放鶴終當謀一艇聽鶯聊且據雙柑嘗以秋日攜家游小江南作歌云途中爭問小江南行到屋窄如僧館飯餘隊隊尋花去獨契黎牀盡日酣有靜虛堂集善畫梅寫梅偶題云梅仙藏名會稽中直入禹廟騎梅龍僧繇丹粉汗爪角鑑湖夜浴雷雲紅濤翻敗甲凝鮮彩流散人閒作梅海四明狂客醉不聞孤山處士橫舟待東風吹雪乾坤香放吟得意雙鶴翔高人不與天下事月煙百里園蒼茫誰知更有花光老亂墨點窗世爭寶弟子

欺人寫紙條未知真景如何好自製竹葉酒名願志春
又有瀟湘春嵩山將軍永憲以菊葉製酒名彭澤春均
見靜虛堂詩集自注

嵩山康修親王崇安子其手製橘酒惠敬亭敬亭見酬
以詩賦答云記得秋林橘柚黃槽牀手釀碧雲漿澆書
應許同中聖獨渴還將慰老羌半棹晴涵雲夢月一尊
香帶洞庭霜五湖多少煙波興欲共尊羹一味涼與橘
仙臞仙均隱於酒臞仙名永忠多羅恭勤貝勒宏明子
號栢欄道人嵩山同榜仙雅集臞仙以足疾不得往戲
呈云臨風也自思元度罵座應憐少灌夫詩曰延芳室

雪橋詩話卷六

五求恕齋

集

敬亭名敦誠別號松堂英王裔有四松堂集詩二卷文
二卷鴛鴦筆塵一卷紀文達爲之序哲昆懋齋爲作
小傳錢南園詩王孫好客同青眼祖席吟詩半黑頭將
赴湖南留飲四松草堂作也乾隆辛丑新葺數椽命名
爲巾居招客賦詩以冬十二月歲辛丑分韻臞仙得丑
字詩云先生矍折腰無夢到芻狗參軍偶一爲歸隱十
年久四松餘三株一谿遶萬柳箕山縱復橫縷井壑且
圍彌望高旻同蒼翠當窗廬身世已浮雲家計付哲婦
閑居心太平獨對一尊酒酒酣恣嘯歌偉氣尚衝斗緬

維元亮達巾漉仍覆首今秋檢草堂旁舍置爐缶樹杪
青旆懸滌器雜童耆客至邀盡歡甯計四十九耳熟任
彈冠畏冷從炙手先生但一笑不自辨妍醜我與先生
游弟兄兼師友久要平生言相期無腹負省事此默坐
好飲果佳否夢來天海闊醉去烏何有筆墨東筍如淹
閣伍傲帶差不忘廢書健忘某至某剝啄童致詞有約
爽吾口燈紅梅白閒大字煩運肘分韻得東坡歲月皆
辛丑我詩恐不如畫壁看蛇走所居有宜閒館拙鵲亭
嘗作拙鵲亭記

雪橋詩話卷六

六求恕齋

亭也懋齋名敦敏字子明其贈曹雪芹云尋詩人去留
僧壁賣畫錢來付酒家春日雜興云不辭種菜身兼僕
無力延師自課孫有槐園在太平湖側敬亭東舉同子
明兄作云下樓帶酒呼漁艇解纜推篷出葦塘薄暮一
篙煙水闊醉中已過小南莊夜涼無寐近秋天蛙鼓村
樺落枕前恰似彭城飄泊客逍遙堂裏對牀眠
敬亭爲理事官捌八次子出繼叔祖經照已故子甯仁
爲嗣經照字定齋普照胞弟月山自謂學業得力於叔
經公爲多經公王子尊爵後以期招族中子姓於家園
飲酒賦詩月山未嘗不從或春秋佳日聯轡游近郊得

句欣然相賞人目爲兩書生不知俱故公也其上定齋叔父集太白句云我家僊翁愛清眞青蓮居士謫仙人吟詩作賦北窗裏平生不解謀此身寶書玉劍挂高閣斗酒十千恣歡詠一醉累月輕王侯興酣落筆搖五嶽手持綠玉杖身披翠雲裘時時出向城西曲一生好入名山游登高望遠形神開碧峰巉巖綠水迴清風明月不用一錢買拂花弄琴坐青苔心愛名山游閒騎駿馬獵羈金絡月照皇都流星白羽腰閒插雙鶴迸落連飛鶴弓彎滿月不虛發白酒初熟山中歸香風吹人花亂飛餐霞樓上動仙樂美人更唱舞羅衣舞羅衣揚輕歌

光碧玉泉短章杜注執津涯四傑風流各一家莫道李何同派別摩挲小印似長沙睡足編開又六秋疏髯影憶拜書樓篋中轅里裴裏意猶想雙松對唱酬此詩作於丁巳王子冬於濟南曾題華泉遺像也其辛亥題漁洋手評邊仲子詩草四首之二云今雨瑤華孰比倫山齋睡足是天真老翁七十拈毫禿不愧尙書鄒下人濟南司寇接司農神韻誰尋格調蹤只有沾衣疏雨句依然誰華對青峰

張詰士員外四科臨潼貢生僑寓維揚有寶閑集及響山詞與樓子湘馬佩兮秋玉閨蓮峰陳竹町厲太鴻余研南吳章五多所唱和秦川公子筑缶歌呼端居多暇時有鄉關之思其臺城路遠關驛樓題壁云盤迴峻坂凌空上參差漸分關樹浩浩河聲濛濛嶽色閑引行人來去寒雞唱午向小驛荒涼小樓延伫短髮狂搔眼明初識故園路沈吟殘照未久早風陵埽畔歸客爭渡形勝依然英雄安在幾度銷沈今古闌干漫撫盼犯斗仙人茹松毛女凍月蒼蒼玉蓮花半吐妖嬈書來爲卜居於藍田之桃花川上更買水田四十畝爲歸老計賦買陂塘寄之云雁來時爲營將老菟裘人外初築萍游尙戀江南岸夢去幾宵相續雙鬢禿待自把一犁春雨餘

生足何時野服對藍水峴山煮芹剝栗伴我草堂宿柴
門外十雙占斷平綠緩煙耕罷生玉商顏輞口過從近
醉裏吹簫騎鹿歸計熟更寄語明年早買雙黃犢相逢
可卜儻古雪消時落花流出引權入谿曲百字令自述
云頭顱如許算未倦慵飛吾慙高鳥未肯微辭饒宋玉
昨夢荒唐堪笑隴樹秦雲吳頭楚尾兩地關懷抱攤書
簾閣愁兼落葉還埽誰遺藥樹羸妻飯羅驕子尙記吟
情攬催還詩筒微酒社落落幾人同調淡月吹笙輕寒
命酌甘對梅花老春游前度據鞍猶是年少壬申除夕
前二日柴木軒雪後擁爐忽憶去歲南還正以是日抵

雪橋詩話卷六

九求恕齋

舍老將至矣歸計未成能無慨然賦甘州寄西州親故
云記麻衣掩雪別西州歲晚役車休又林亭積素香簫
盡冷試數前游幾度天風鶴背華髮漸驚秋燈火青燐
畔歸夢悠悠誰探草堂梅信折一枝相寄楚尾吳頭料
流銀哀壑閑了夜回舟鎮天涯殘年兒女愁松明絮語
伴淹留空懷想墓田春雨行叱烏牛

雍正六年因滿洲蒙古兵駐防杭州者不習水操命將
軍鄂彌達總督李衛會議遂分營於乍浦習之右翼滿
洲副都統移駐仍屬杭州將軍兼轄甲兵千六百名戰
船十八隻營房三千二百間築城時欲方其地令居民

遷徙惟十家營以陸孝子宅得不毀獨缺其一角云舒
雲亭以乾隆十九年署乍浦理事同知其雨中望九峰
云涼陰冑斷岸曉色迷孤鴻倚樓望九山海氣連遙峰
颯沓雨不止蒼茫秋幾重題詩憶潛夫李確人飄然希高
蹤乍浦舟次云登高餘興在重泊泛湖船黃菊已明日
西風又一年寒雲迷古堞折葦亂秋煙向晚橫塘水菱
歌幾處傳嘉慶十九年里人重修城隍廟副都統西凌
阿有碑記武康徐雪廬熊飛寒夜與西純齋都統話乍
浦舊事感賦將軍籌海夜頻興兵衛森嚴士氣騰往日
蟲沙紛出沒前朝壁壘修憑陵戈船出哨寒吹角戰馬

雪橋詩話卷六

十求恕齋

迎城曉蹋冰咫尺明州同設險戍樓相望見殘燈嚴城
旦夕擁刀弓出汛重洋羽檄通干斛樓船斜照外七星
鎗火翠微中投誠莫信劉香老始禍應誅沈保童獨樹
營荒憂不細羣倭曾此蔓江東

雲亭他塔喇氏已未進士歷宰桐鄉平湖山陰海鹽所
游歷若及山爛谿禹陵秦駐皆佳山水案牘詩筒旁午
迭進尤薦于友朋之誼嘗爲顧行之珽周穆門京旌竹
田安刻集竹田序其蘭藻堂詩云鄭都官之于孫路不
聞月割俸錢沈廉訪之于吾衍未嘗代鏤詩版辭映李
及之于述老亦題詩本是正乃君謬賞弁鄙之辭既爲

謀諸剗剗而樂裏之貽廩人之繼憫予病且困者八年
如一日至于琴歌酒坐間有倡和一字未安互相商榷
是眷予之深者莫如君而稔君詩境之甘苦者宜莫若
予也杭大宗嶺南集春日懷吟社諸公卻寄八首之一
爲政風流又幾年陳留書記更翩翩租船記送胡奴米
買宅曾賒邱伯錢蘭閣雪深翻墨海印牀春霽繞茶煙
月翁辛老紛遺稿次第煩君棗木鐫焚虛大師主淨慈
習詩畫雲亭與結支許之契茶筍湖山時偕游讌以微
疾引歸歿後無子大宗傷逝詩云淩絕車橋路山猶繞
郭青詩篇清氣守門巷綠陰局有夢尋禪窟無兒乞墓

雪橋詩話卷六

士求恕齋

銘秋風雨行淚霑灑爲忘形

奉天陳深字子淵號壑淙其先以戍防京口因家焉性
簡默寡酬酢弱冠能詩其尊人或菴舊與馮文肅善文
肅寄或菴詩云因憐吾黨意憶其阿戎談又懷人絕句
云名流到處自驚座廉士有時還灌園獨把一編春雨
外落花如雪不開門

東鄂珠亮都統齊什子其高祖溫順公和理原係東
鄂都長

太祖納妃哈達身率甲士衛行遂以所部來歸與費英
東額亦都扈爾漢安費揚古爲五大臣尙端莊長公主

入參帷幄出總軍旅征扎庫塔取烏拉佐命之功爲多
珠亮字韜明號潛翁承襲二等男賦性高簡年終二十
八有冷月山堂詩一卷夫人宗室慶公女有養易齋詩
一卷長子嵩山字伯仁有餘廉堂詩八卷自序稱五十
餘年身經殘廢於閒佚之中每逢煙水雲山則不無興
感實非有意爲詩其弟峒山字仲仁有柏翠山房詩一
卷伯仁夫人慎貝勒圖公女孫亦工詩有蘭軒詩一卷
其子能泰合而刻之家世勳戚一門詞賦亦足稱也仲
仁閒興云谿行無伴侶藜杖日扶余一二里芳徑兩三
灣碧渠拈花招舞蝶投葉賺游魚醉向峰巒坐閒雲對

雪橋詩話卷六

士求恕齋

卷舒詩格極爲閒澹

禮恭親王有答懷安教諭吳大展詩大展名久成號崑
崖其媒者言效香山體云媒者聚而言互述適貴府一
云攜雙鬟眉痕纖月嫵綽約步風前神作梨花舞主人
曰不佳面宜團而臙其一坐長歎吾事亦中阻有女善
爭琵琶要眇清音吐主意在廚娘妙伎視如土一人大笑
言傾聽吾語汝嫌妍亦何常巧拙隨所取章甫空適越
好竿瑟休鼓搗勢合其情居奇稱善賈谷嗟復有人汝
言未全舉同車定相應求偶翻失伍人事我爲媒天命
彼實主不見感遇人寥落竟終古劉峻辨命論之旨也

悟菴農部卓奇圖題德芝麓畫扇詩云野水平沙落日
遙半山紅樹影蕭條酒樓人倚孤尊坐看我騎驢過板
橋河間紀氏稱之謂其風味脩然有塵外之致其五言
如避風朝隱几看雪夜開門孤游嘗竟日一醉輒經年
晚樹連雲暗春山帶雪高含懷辭故侶帶醉入他鄉絕
句如迴嶺抱孤邨居人半嫵姪幾家小兒女共戲垂楊
下七言如吏有餘閒殊勝隱貧無多累未爲窮善感因
成今日病耽詩合受再生窮人當老至風情減天入秋
深雨意多亦皆清新超雋情韻斐然嘗輯白山詩存惜
未卒業

雪橋詩話卷六

三才總錄

雍正庚戌設立軍機處惺齋都統明善與覺羅蔚文尙
書同以中書充章京惺齋字元復葉赫納刺氏官至西
安副都統夜行塔布欽搭拉云一圍殘雪人煙白四顧
平沙夜色黃行士勒根郭爾云穹廬空羨駝峰美土龍
惟求馬糞乾歸途有感云往來風雪羊充饌經涉江河
馬當舟皆出關宣命時作熙朝雅頌集謂其官中允誤
矣

大園上人句云雨深苔到榻糧欠鶴辭籠徐廷槐笠山
句云麥熟僮催餅蠶眠婦守鐙張遠覽偉瞻句云催兒
樹雞柵看婦補牛衣永嘉徐趙之徒也

雪橋詩話卷六

三才總錄

拙菴老人明泰有自我集漫成云芳草依依沒舊痕望
中新柳識前邨餘寒任在東風裏燕子來時不閉門
索綽絡文恭公觀保石東邨子題宋徽宗畫鸚鵡云艮
岳工成殿宇涼珠簾深護海南香閒情卻試珊瑚筆解
語還勝翡翠妝毛羽至今猶鄭重衣冠當日太倉黃可
憐家法惟書畫南渡多才有壽皇其和御製有山骨瘦
於僧句一時傳誦與從弟文莊公德保並以乾隆丁巳
進士入翰林又均倬直南齋屢典貢舉阿文勤五使高
麗圖文恭有題詩煦齋協揆爲文莊公子見之以爲家
寶遂書一冊易之煦齋於嘉慶己未以內閣學士往朝

鮮頒詔故程春海侍郎詩云文勤數使西蓋馬欲揜對
盧作羣雅文恭題句明珠編我師讀之喜欲顛況師龍
節履咸鏡玉貌宮袍發高詠乞詩乞札徧東國後月前
潮兩輝映文恭手澤欣弓還我師寶翰增舊觀誰歟彙
作鳳墅帖副墨海上兼名山章佳立庭丈鄂禮爲文勤
七世孫余曩以秋賦主其家曾出此圖相示
楊清端公宗仁其先沂水人徙遼陽州祖必登順治乙
酉舉人父朝正以侍衛改兵部督捕司員外郎歷東昌
府知府清端其長子也由慈利知縣累官湖廣總督弟
宗義河南巡撫子文乾字元統號霖宰由永定河官知

曹州累官廣東巡撫孫應璫應琚字松門由河東
西甯道累官雲貴總督有據鞍錄一卷乾隆己未由西
甯入都紀行之作也其記過關山至隴州出州南門二
里過汧河行數里有奇峰如掌高指碧空乃吳嶽也杜
詩昨憶踰隴坂高秋視吳嶽東笑蓮花卑北知崆峒薄
可以信茲山之崢嶸矣境內有魚龍川中有五色魚少
陵秦州雜詩遲迴度隴怯浩蕩及關愁水落魚龍夜山
空鳥鼠秋古人一字必有本如此其記秦築長城始於
臨洮謂蒙恬阿意興功兄弟卒不免乃緬甸之役嗜功
肇釁亦不克以功名終是可慨也

雪橋詩話卷六

五求恕齋

武進楊氏世踐清華農先學士椿爲明靜山修撰廷鑑
孫芝田諭德大鶴第三子生平無它嗜好惟以經術史
才爲文章自娛西溟竹垞穆堂望谿皆相歎賞與弟楫
先後在詞館兼明史綱目及一統志國史三館纂修勤
職冠同列尤貫弗有明一代事論者比之鄞縣萬季野
子企山侍讀述曾稟家學精於史傳博而知要與從兄
三吾並舉大科乾隆壬戌一甲二名進士己卯充通鑑
輯覽纂修官發凡起例斷斷討論在事入載與書始終
牆牖屏幃悉著紙筆詩亦清綺其浮山禹廟觀壁閒山
海經瑤像詩云眞宰三靈萃鴻鈞萬彙陶神姦原並育

山海競潛韜緬昔平成烈時先澤洞道八荒勤僦步四
載奠林皋蒼玉開函授元圭錫命叨鑄金窮變怪象物
晰秋毫魑魅窺形屏龍蛇匿彩逃洛符同寶貴泗鼎忽
淪洛斷簡存劉略遺文問楚騷尸藏相顧城烏飼畢方
號精驗如符契疑言尙劊刀何年圖鬼祕入廟肅清高
靈石當階峙奇功一簣勞岷峨聯脈絡淮海帖波濤浮
似來孤鷺移甯接六鼉中央森殿陛百物備牲牢恍惚
陰雲合睚眦怒氣豪麟身兼虎齒魚負亦蛇操飛有驪
頭翼髮生役采毛燭陰曾不息相柳尙餘臊夸父奔林
渴刑天舞戚邀森羅爭顯相環列儼分曹過目名雖記

雪橋詩話卷六

六求恕齋

臨風首重搔江河當四會樓櫓集千艘簫鼓喧祠禱魚
鹽雜市囂古松崇廟貌美黻換神袍搏土勞丹騰驅巫
迂赤絲人天同詭誕士女混譏褒平野鱗分次殘陽弓
半張茫茫橫百感歸路響寒飈妥帖排昇可與竹垞禹
陵長律相方

乾隆初國雲浦與國笠民同名國棟雲浦擢廬鳳道時
廷臣以吏部同名二人請

高宗親指出與韓綈事略同後笠民奉敕更名國梁笠
民字丹中那拉氏丁巳庶常改官吏部歷階宮庶充口
講起居注官外授郡丞擢守昭潭遷貴州糧驛道生平

宦迹所至踰皋蘭涉秦州西極烏魯木齊歷百越汎牂牁皆地當邊徼有澄悅堂集十四卷孫玉麟視學皖江刻於太平節署其南明集頤醕園十二詠如頤醕堂妙香室玉犀舍清華閣小天池人鑑亭碧鮮臺清尊館青霞塢各系以詩亦微之誇州宅之意也水驛山郵駢馳行役見聞所及寄於歌詠者尤富泊馬蝗灘云舟底水將石作骨江邊山以樹爲毛一篇危壓千峰迴兩壁青圍萬木高習坎幸無妨嘯詠稱名雅不入風騷傍村擊纜衝波定坐看流螢點素袍山行之楊老云蚤驚邨犬吠茅茨送月西沈日上遲風洞陰風愁題風洞在清平南四十里

雪橋詩話卷六

七求恕齋

里石關怪石伏蛟螭石關在楊老北三十里天晴粒飽天生米地暖香生地骨皮擬趁秋陽換春服牂牁多屬恐非宜集中律詩閒有兩韻通用者考之杜詩如奉贈鮮于京兆崔氏東山草堂二首皆眞文通押常建閒居則庚與侵通章孝標駱谷則青與侵通李長吉始爲奉禮憶昌谷山居則眞文元通東坡汲江煎茶亦庚青並用元人律詩通韻者尤多不足爲笠民病也

國雲浦博爾濟吉特氏官至安徽布政使有時齋偶存詩鈔子秋潭相國文孚所刻李雨村稱其關心花有恨革面鏡無情及京口晚眺飛雲排鐵甕怪石控銀濤之

句予謂不如立春前三日雪云雪猶當臘得春已破寒歸爲近自然兄天峰總兵國柱亦能詩伊犁云萬里窮荒地孤城瀚海開舉頭惟見日過此更無關朔氣橫伊水陰風帶雪山犁庭邊事定壯士唱刀鐃駐劄小陽河匝爾作云望月有懷慙豹弁綴衣無線績駝毛哈拉玉嚙袞偶成云野鳥亦知愁落日河冰漸可任行人伊爾哈里克道興云情因有我還成感事到無心始見功皆在西陲時作白鶴亭送國天柱西征詩云世家英略舊知聞年少乘時好建勳偏壤未歸局版籍渡瀘重見漢將軍荒原入夜嘶羌馬大旆臨風掩瘴雲尊酒都門好

雪橋詩話卷六

六求恕齋

相待春來談笑解征衣章佳文成公阿桂平定西域金川廓爾喀三次圖象紫光閣御題有云楚材旣出爲國之楨梁文定公因書即律文正王傳相贈其伊犁軍營詩云欲掃妖氛淨巖疆戰不休人猶爭馬革天已厭旄頭刁斗三更月關山萬里愁渠魁何日滅非直爲封侯大軍次永昌作云王師毋盡殺脅從帶餘生一將功何有三軍怒未平投戈收戰骨撤幕返春耕仰喜皇心慰邊陲已息兵其贈錢冲齋詩云話舊成塵影籌邊驗派痕霜鬢論兵固猶有意不自嫌者矣公家山莊在盤山北馮文肅村舍在盤山

南與談山居之趣有鹽背游山之語公曰乘牛之妙遠
過策蹇文肅詩云朝衣點露徹晨班黃閣談清一解顏
可但諸侯稱極地幾曾太傅忘東山讀書力定千軍靡
報國心酬百念閒只隔田盤峰數點買牛應許共躋攀
嘉慶丁巳八月屆公八旬成哲親王書功高心轉小勞
久質彌堅十字爲壽大爲喜賞幾欲逢人道之其所書
樂志論立庭丈嘗以拓本見貽今已成敷錫堂之劫灰
高芸功孝廉書勳文良公季子有石堂詩鈔二卷張樊
川祭酒序稱其壯年抱疾不良於行日守一編詩清婉
一洗豪貴之習送別二姪石生云老來兄弟感凋零頭

雪橋詩話卷六

元末忠齋

白寒蘊一片青幸有超宗能振翮乍逢王濟喜談經春
花半落呼後洞秋雨初晴放鶴亭水宿吳兒歌四起丁
山西畔與誰聽

李眉山謝查承齋饋新茗作才品稱雙絕而能愛此身
大江秋量闊尺玉碧華新一意存幽澤多君避要津寒
泉餘正味早作寄茶人承齋名查克碑一字樹亭松莊
相國查即阿子大益從子乾隆辛酉舉人官知縣博西
齋送宋泗城某洲之任并查承齋回太平云南天相見
慰相思愁絕停杯話別時雲漢迢遙查客遠秋風蕭瑟
楚人悲如蘭恰有香生座飲醴眞同酒在杯明日天涯

原咫尺平生心跡重爲期嘗跋雷谿草堂詩曰予初未
嘗爲詩從伯父大益先生游聞其餘論先生論詩以性
情爲主一切門花儷葉紅綠絳紅之習悉舉而空之故
其詩杼柚予懷天倪鼓舞五十年來蕭寂窮愁之日朋
游燕賞之辰研篋筆牀未嘗離手其自作如奉陪履安
舅氏游香山逢牧亭歸詠紀事五古亦頗冲寂自研大
益句云分明一種閒花草費盡東風日夜心爲承齋題
南田畫冊作也

雪橋詩話卷六

元末忠齋

楊西英大令師震以舉人宰青浦有敬齋吟稿其奉賢
詩云熬波入市朝攜雪篝火鳴機夜紡紗同滑耿二明
府游石湖云沽酒市稀游屐少賣魚人集釣船多
傅襄勤顯字令宜以辛酉繙譯舉人官中書隨征金川
出守岳州累官漕督其臥雲堂詩稿刻於乾隆辛巳梁
文定爲之序邯鄲道中云臥客初醒處才人已嫁時雁
聲云似爾何心商去住爲誰無計耐炎涼吐屬致爲婉
約

武威王化南字蔭棠乾隆己未庶常散館授知縣游陞
平度州知州期年引疾去州民餞以詩曰君爲百姓來
百姓送公去渠水如許清看公走馬處久之起爲莒州
資望當遷上官有欲因之取賄者艷然曰吾豈以財求

官者或即日辭歸述懷詩有云羞聞白兔營三窟每對黃金懷四知

博虛有府尹序顧邦英雲川詩稿云洛者爲宰政簡刑清公餘焚香握管無異爲諸生時襟懷高朗諸體詩俱登古人之堂而七律尤追蹤唐之初盛洛者乾隆甲子舉人官懷柔知縣嘗自選其詩及汪松甘運源王麟書甘運瀚之詩爲海沱集刻於乾隆十七年有陳士璠李錯喻世欽序其寄李眉山先生云采采芙蓉花寂寂秋江晚望望故人居渺渺秋天遠一片鳬峰雲三年長在眼豈獨山色佳幽人所游衍孤蹤隔風煙何由共繾綣

雪橋詩話卷六

王求恩齋

願託遙天鴻因之達誠款寄三弟傑云龍峰春色遠龍塞白雲長風雨人千里關山淚數行親知多偃蹇身世各蒼茫原上鵲鴿語飛飛黯自傷天壽山云十三峰勢望中分賸水殘山倚夕曛古道秋燐飛碧草荒陵石馬臥寒雲黃巾作難終亡漢白馬遺封尙祀殷惆悵百年無故老憑誰指點說遺聞寄哈達夫云年來朋輩獨憐君慷慨悲歌自不羣萬里金城吟塞月十年青海臥寒雲邊關烽淨閒長劍華岳秋高醉夕曛今日風塵還偃蹇數奇不獨李將軍

黃文蓮過王存素寓齋有贈云竹梧小徑散雲關酒伴

詩朋其往還結社幾年依北郭捲簾終日對西山松陰滿院閒調鶴月色經秋好放鵬便擬滄洲共乘興看君潑墨寫屏顏陸朗夫亦有訪王存素於所居西園詩存素名慄太倉諸生煙客聖卿曾孫麓臺侍郎從子畫筆蒼秀兼善填詞其清平樂二首云海棠鋪徑人向雕闌凭映月酒容紅玉潤笑看春風吹鬢更深碧瓦煙昏垂簾花影移痕貪把玉琴頻理繡衾香冷重溫雨濛煙暝又是清明近零落杏花渾欲盡時節綠窗人靜含情獨上西樓珠簾半捲銀鉤縱有千絲楊柳能藏幾許春愁嘗言婁水百餘年詞學鹿樵生體綜北宋末極幽妍至

雪橋詩話卷六

王求恩齋

小山漢舒今培岡懷素威頴山乃能上繼浙西六子同時作者武林則樊榭授衣廣陵則漁川橙里陽羨則澹成及位存兄弟樵李則南鄉春橋穀原吳中則企晉湘雲策時升之共二十餘家各擅其工卽南宋末有其盛也一時以爲快論後來填詞家自皋文保緒出而陳義較高順卿杏船出而斟律益細自足突過前賢至於纏綿婉麗風美動人處亦初未有以相勝耳

宜興史位存承謙與弟衍存承豫並擅詩名寓金陵蔡氏水亭句云三秋絲雨侵孤館一樹垂楊見六朝爲汪楓南所稱賞尤精倚聲之學杜雲川嘗推爲一代作手

有小眠齋詞四卷桃花夫人廟一萼紅云楚江邊舊苔
痕玉座靈跡是何年香冷虛壇塵生寶曆千秋難釋煩
冤指芳叢飄殘紅淚爲一生顏色誤嬋娟恩怨前期興
亡閒夢回首淒然似此傷心能幾嘆詩人一例輕薄流
傳雨颯雲昏無言有恨凭闌罷鼓神弦更休題章臺何
處伴湘波花木暗啼鴉悵悵明璫翠羽斷礎荒煙撰有
靜學齋偶志稱其同縣儲長源詩格矜秀如多情寒夜
燭有味去年書雪晴春有態山活翠難名春衣乍暖飛
胡蝶綠酒初香薦蛤蜊固是佳句

周元木與胡雲持在江東詩社中最稱傑出應詞科試

雪橋詩話卷六

雪求恕齋

瘡疾彌月未愈手艱於作書多所遺落不得入等其都
下食冬筍和稚威與稚威原作可稱金春玉應王申始
舉京兆年近六十矣長安鑑夕篇有云寂寞東來獻賦
人黎釭獨對客愁新夢迴憶得江南岸索笑垂垂一樹
春少喜爲詞特癖陸務觀姜白石秦柳派也

世祖畫牛用指上羅紋印成之見池北偶談承子久禮
部集城西寺中觀傅雲指墨佛像詩國朝論畫首指墨
開闢造化從

章皇奎藻赫奕祕天府昭回日月同光芒前朱後璫盡
蒼秀師法未變高遼陽雲也奇崛迴出意匠外使指如

筆窮微茫雲字凱亭自號凱頭陀官驍騎校隸集後集
畫鷹歌云豈有長風動陰壑白日霜機慘相薄由來焦
墨枯燥行碧海蒼鷹眼中落青爪玉立猶金削猛擊誰
能甘束縛深目如愁西域胡殺機或伏條支雀蓋州傳
君技精妙且園創始君繼作甲肉迭役腕有神紙上虬
蜚聲絡索裁成萬象聊斯須三年一葉徒穿鑿黃額石
咸凱亭供奉挽歌於凱亭仕履敘述頗詳其辭云閭山
之陽濯水出勃鬱川原氣深沕開國捐軀忠毅公傳君
大節昭星日供奉忠毅三世孫解脫蕭疏世無匹胸羅
萬象思如泉日麗花封臥縹帙河決酸棗公帑糜直使

雪橋詩話卷六

雪求恕齋

驕驕傷一蹶可憐飄泊風塵中四壁家徒貧第一孝標
代著絕交文才雋天生甯能黜丹青一旦九重知短褐
麻屨拜宣室鵝谿十丈寫諸天中禁需人已有年是日
前席揮指墨當仁甯讓昔人賢頻伽一抹翔雲端侍臣
中使盡駭然國清化相坐獅象牙排長劍青毛卷猊猊
端麗各盡態精光四射雲旗翻吳貫豈獨見卻步顧陸
亦應慙在前圖成勅供萬善殿海外來王乞一見誰知
野鶴不堪羈從來美醞誠堪戀山中供奉自去來芒屨
短杖蒲葵扇野寺山房畫壁多臥游性與僧齋便王侯
貴主求尺幅酒酣濡墨驚奔電綺席才張去不留往尋

指大乾魚片水雲蹤跡本無方世人爲妄亦爲狂龍蛇
牛馬從誰說市肆林泉駐日長杖履年來求不得白雲
黃鶴空相望昨夜夢君叩我門入門神色何蒼涼示我
忠毅世家傳指疵文字求相商又云身是比丘尼男身
再轉成金剛眞耶幻耶非思量游魂精氣均茫茫星斜
月落荒雞歇枕漬衾沾涕泗滂其憫忠寺畫觀世音三
十二應眞像蔣心餘爲賦七古一首

胡雲持寄濰縣令鄭燮云一縣持團扇爭來乞草書風
流看似此爲政果何如每歎清才少能容傲吏疏十年
憐鬢髮聞道亦非初變丙辰進士與牧山太守圖清格

雪橋詩話卷六

圭求恕齋

有車笠之好宰朝城時嘗畫石三幅一寄膠州高鳳翰
西園一寄江南李鱣復堂一寄牧山牧山以草書法寫
菊花親喪廬墓築丙舍於西山其題畫詩云昨夜西風
下洞庭猿聲哀怨不堪聽老僧七十頭全白紅日半窗
猶未醒亦振奇人也法鏡野書事云辛未五月下第歸
過濰飲友人家濰俗重賈二三賈客與焉語次及板橋
余亟問曰何如羣賈答曰鄭令文采風流施於有政有
所不足余曰豈以其詩酒廢事乎曰喜事丙寅丁卯閒
歲連歉人相食斗粟值錢千百令大興工役修城鑿池
招徠遠近飢民就食赴工籍邑中大戶開厥者粥輪飼

之盡封積粟之家責其平糶訟事則右簍子而左富商
監生以事上謁輒延見據案大馬駝錢驢有何陳乞此
豈不足君所乎命阜卒脫其帽足隨之或掉頭黥面驅
之出余曰令素憐才愛士此何道曰惟不與有錢人面
作計余笑而言曰賢令此過乃不惡羣賈相視起去

定興王芥子以弱冠入詞林才名甚著由侍講出爲平
慶道游歷藩牧自雲南罷職再起修書復授檢討遷司
業性好朋友與同年邵叔六鄭炳也顧密齋尤善寓書
往復率以文章道義相勸切言經兼訓詁論道學兼取
陸王詩文宗魏晉及唐賢晚年謝事自屏居海澱之太

雪橋詩話卷六

圭求恕齋

平莊不輒見客託于博奕飲酒惟悴終老有青虛山房
集自述其生平撰述本自不多又矜慎致功于修詞字
字句句無敢容易因亦不能多也黛流村新營所住云
昔年點朝簪本自滄洲吏一辭京雒塵適會田園志卜
築代巖棲嘉招慙遠至遂賃伯鸞春頗授揚雄字林間
結架小郊扉晝常閉灌溉發陽翹荒鋤豁蒙翳剪彼惡
木陰暢此芳菲意非惟娛徂年兼得閑外視支杖聽風
簷披襟納山翠片雨洗青天寥寥元古思種藥云結廬
近塵陌獲與田夫齒蒲杏日敷與農候茲焉始余方據
稿梧素業亦時理荷未竟不任聊欲勤四體鋤瓜夜雪